



01
551

Broj: 03-04/1-04-3022/26
Sarajevo, 10.02.2026. godine

SKUPŠTINA KANTONA SARAJEVO

gosp. Elvedin Okerić, predsjedavajući Skupštine Kantona Sarajevo

PREDMET: Odgovor na zastupničku inicijativu zastupnice u Skupštini Kantona Sarajevo Sebiye Izetbegović, dostavlja se –

VEZA: Akt Skupštine Kantona Sarajevo, broj: 01-04-57021-40/25 od 26.01.2026. godine

Zastupnica u Skupštini Kantona Sarajevo Sebiya Izetbegović je na 28. radnoj sjednici Skupštine Kantona Sarajevo, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa članom 213. Poslovnika Skupštine Kantona Sarajevo ("Službene novine Kantona Sarajevo", br. 41/12-Dруги нови преčišćени текст, 15/13, 47/13, 47/15, 48/16, 9/20, 14/20, 16/22, 17/22 i 47/24) (u daljem tekstu: Poslovnik Skupštine), uputila zastupničku inicijativu kako slijedi:

"Na osnovu člana 213. Poslovnika Skupštine Kantona Sarajevo, upućujem inicijativu Ministarstvu pravde i uprave Kantona Sarajevo da pristupi izradi i objavi prečišćenih tekstova zakona Kantona Sarajevo.

Cijeneći činjenicu da je u proteklom periodu od približno osam godina došlo do velikog broja izmjena i dopuna kantonalnih zakona, kao i parcijalnih korekcija pojedinih članova, stavova i odredbi, evidentno je da važeći zakonski tekstovi u mnogim slučajevima nisu pregledni niti lako primjenjivi.

Ovakvo stanje otežava pravilnu primjenu propisa, stvara pravnu nesigurnost, te dodatno opterećuje građane, organe uprave, pravna lica i stručnu javnost u ostvarivanju prava i obaveza. Izrada prečišćenih tekstova zakona omogućila bi jasan, transparentan i jedinstven prikaz važećih normi, bez potrebe za paralelnim korištenjem osnovnih zakona i brojnih izmjena i dopuna.

Imajući u vidu principe pravne sigurnosti, dostupnosti prava i dobre uprave, smatram da je neophodno da Ministarstvo pravde i uprave Kantona Sarajevo, u okviru svojih nadležnosti, izradi i objavi prečišćene tekstove svih važećih zakona Kantona Sarajevo, te ih učini lako dostupnim javnosti putem zvaničnih kanala."

S tim u vezi, Ministarstvo pravde i uprave dostavlja sljedeće izjašnjenje:

Uslovi za izradu prečišćenog teksta nekog propisa, kao i postupak pripreme i verifikacije prečišćenog teksta propisa uređeni su Pravilima i postupcima za izradu zakona i drugih propisa

Federacije Bosne i Hercegovine ("Službene novine Federacije Bosne i Hercegovine", broj 71/14) (u daljem tekstu: Pravila), koja su obavezujuća i za kantonalne organe koji se pojavljuju kao obrađivači propisa.

Odredbama Pravila koje se odnose na izradu prečišćenog teksta zakona, propisano je da se prečišćeni tekst zakona priprema na način i po postupku utvrđenom poslovnici o radu domova Parlamenta Federacije.

S tim u vezi, kada je Kanton Sarajevo u pitanju, postupak pripreme i utvrđivanja prečišćenog teksta zakona propisan je Poslovníkom Skupštine. U članu 178. navedenog poslovnika propisano je da *"kada je zakonom ili drugim aktom određeno da Zakonodavno-pravna komisija utvrđuje prečišćeni tekst zakona ili drugog akta (u daljem tekstu: prečišćeni tekst akta), kantonalni organ odgovoran za provođenje tog akta dostavlja prijedlog prečišćenog teksta akta Zakonodavno-pravnoj komisiji, u roku koji ona odredi."*

S obzirom na navedeno, Ministarstvo pravde i uprave Kantona Sarajevo može pripremati i dostavljati prijedloge prečišćenih tekstova isključivo za one zakone čije provođenje spada u nadležnost ovog ministarstva. Za zakone čije provođenje nije u nadležnosti Ministarstva pravde i uprave, ovo ministarstvo nema pravni osnov za samostalnu izradu i objavu prečišćenih tekstova, na način kako je navedeno u predmetnoj inicijativi.

Ministarstvo pravde i uprave prepoznaje važnost blagovremene izrade i objave prečišćenih tekstova propisa koji su pretrpjeli više izmjena, odnosno dopuna, te ukazuje da cijeneći principe dobre uprave, ovo ministarstvo u skladu sa odredbama Pravila i Poslovnika Skupštine blagovremeno priprema i upućuje u dalju proceduru prečišćene tekstove svih propisa iz nadležnosti ovog ministarstva, kada su za to ispunjeni uslovi propisani naprijed navedenim aktima.

Prečišćeni tekstovi propisa iz nadležnosti Ministarstva pravde i uprave se nakon utvrđivanja od strane Zakonodavno-pravne komisije, odnosno Ureda za zakonodavstvo, te donošenja odluka o verifikaciji od strane Skupštine Kantona, odnosno Vlade Kantona, objavljuju u "Službenim novinama Kantona Sarajevo". Nakon objave prečišćenih tekstova propisa iz nadležnosti Ministarstva pravde i uprave u "Službenim novinama Kantona Sarajevo", isti se objavljuju i na web stranici ovog ministarstva.

S poštovanjem,

Dostaviti:

- ① Naslovu;
2. Stručna služba Vlade Kantona Sarajevo (na znanje);
3. a/a.

